

第二次修谱序（德化）

天地降生万物立其纲，惟人之道其知根本乎？我始祖教先公，随王父景茂公，由豫入闽，仕侯官县令，怡情山水，不嗜宦途，志高尚矣，乃游览形胜卜筑泗滨而聚族焉。娶郑大夫之女，生子七人，惟五雅公，承父业，恢父绪，爱敬本天真而绵昌厥后宜也。数传至十世三锡，根本益壮祖泽流辉，本本源源修而明之。俾有祖而知所尊，有宗而知所敬。世次名字之传，先人坟茔之所，子孙固无虑废坠之大典，亦以毋忘宗功祖德耳，敢谓金紫流芳银青垂美哉？使后之人知所本而生爱敬之心，可世守而罔替也。

宋淳熙八年辛丑菊秋望后、十世孙三锡谨序。

